



امور داخلیه

نام نامی حضرت جهانداری به منسوب قالیون همایون کوه نمون حضرت جهانبانی انشا اوله لی خیلی وقت اوله رق کرکی کبی تعمیره محتاج اولمش اولمسيله متعلق بیوریلان اراده سنیه ورخصت علیه حضرت ملوکانه به مبنی بوندن ایکی سنه اول حوض عتیق کبیره وضع ایله امر تعمیرینه یعنی هیئت واندای بوزلماق اوزره انشا و تجدیدینه بدأ ومباشرت اولمشیدی ربحر تعالی و تقدس پادشاه بحر و بر وشه نشاه محاسن اثر افندمن حضرت تلیخی هر حالده توفیقات ربانیه و تأییدات سبحانیه سنه مظهر وهر برامور ومصالح سلطنت سنیه لرنده تسهیلات صمدانیه سن یار ویاور بیورسون جدا ثم جدا پیرایه ذات قدسیت آیات جهانداری یلری اولان عنوان توفیقات نشان مجد دیت سنیه اقتضای عالیه سنیه عصر پرنصر ملوکانه لرنده برطاق آثار خیریه جدیده اغوش حسن حصوله رسیده اولمده اولدیغی مثلاً قالیون همایون فوز مقرون مذکور دخی شمیدی به دکن ترسانه عامره ده مثلی نامسبق اولدیغی وجهله درت باطریه لی اولمق یعنی درت صره طوپ المق اوزره سایه شوکتویه حضرت ملوکانه ده طرز نوین ورسم دلنشین وجهله بودفعه واصل کال و ختام اولمش اولدیغندن کذران ایدن محرم الحرام یکرمی مبارک جمعه کونی ذات ظلیت آیات جناب ملوکانه بعد ادای صلاة الجمعة بالشوکه والاجلال حوض مذکوری شرف قدوم میامن لزوم جناب جهانبانیلریله تشریف و دولتو سرعسرک پاشا و قیودان پاشا و حسب پاشا حضرت ایله بحریه مستشاری سعادتلو افندی محل مزبوره موجود و مترقب دیدار محاسن انار پادشاه نصرت موعود اولدقلى حالده مشارالیهم حضرت ایله افندی مومی الیهی التفات مستلزم المباهات تاجدار یلریله تلطف بیوروب بعنده سنوح ایدن امر وفرمان تسهیلات نشان جناب ملوکانه موجب جمعه قالیون همایون مذکور کال سرعت وسهولتله حوض مذکور دن اخراج اولمش ومشار الیه قیودان پاشا حضرت تلیله مومی الیه مستشار افندی تقبیل قدم معالی توأم شاهانه وسر معمار علی افندی دخی نائل عطیه سنیه حضرت پادشاهانه ایله متبتهج ومسرور اوله رق ذات معالیهسمات جناب خلافتیناهی زورق سوار شوکت واجلال ایله آینه لی قواق نام جای دلکشایی تشریف وتویر اراده سنیه سیله عودت همایون وقوعبولمش وکذلک برمدتنبرو حوض جدیدده مجدد صورتبله تعمیر وترمیم اولشان اوچ انبارلی مسعودیه نام قالیون همایون شاهانه نک دخی امر تعمیری تکمیل اولدیغندن اولدخی مقدمه اخراج اولنه رق در دست تجهیز بولمش اولدیغی ثبت صحیفه نسخ تقویم وقایع قلندی

سایه شوکتویه حضرت کشور کشایده سفن دونغای همایون شاهانه وجنود نصرت نمود بحریه جناب پادشاهانه بتوفیقه تعالی کسب ازدیاد واكتشار ایتمکده اولدیغندن حسن قومانده و اداره لیچون ترسانه عامرده رتبه لی بزدانک بولمسی لازم کلمش ومدت مدیده دنبر و قیودانه همایون قیودانی بولشان سعادتلو مصطفی بکک فنون بحریه و اداره امور عسکر یه ده لیاقت

ومعلوماتی مسلم و محرب بولمش اولدیغندن میر مومی الیه عساکر بحریه فریقلی رتبه رفیعہ سنک توجیه واحسان بیورلمسی قیودان مشار الیه حضرت تلی طرفندن باقر برانها والتاس اولمش واولبابده عاطفت افزای سنوح وصدور بیوریلان امر و اراده مکارم عاده جناب جهانبانی موجب جمعه رتبه رفیعہ مذکوره بالتوجیه مأموریتی اجرا قلمش اولدیغنه وولی نعمت بیمنتز شه نشاه مکارم عنوان افندمن حضرت تلی محرم سابق مذکورک یکرمی یدنجی جمعه کونی صلاة جمعه بی بالسلطنة والاجلال باب الجسره کائن جامع شریفده ادا وایفا بیورمش اولدقلى بنه فریق مشار الیه بعد الصلاة قیودان مشار الیه حضرت تلی دلالتله مبارک ومسعود خاکای کامبخشای حضرت ملوکانه به رومال وفریق یقلاک نشان قرلمعانی حضور میامن موفور جناب تاجدار یه کر بیان استقامته بالتعلیق مظهر الطاف واعطاف پادشاه دریانوال اولمشدر

بوندن مقدم طبع ونشر اولشان تقویم وقایع نسخ لرنده بیان واشعار اولدیغی اوزره عساکر نظامیه حضرت شاهانه نک البسه وایاق قابی دیکمخانه لری دولتو سرعسرک پاشا حضرت تلیله حاله وتقویض ومصارفات نظارتک لغویله اداره تعیینات وارزاق ایچون محرب الاطوار برینک بالانتخاب تعیینات مدیری نصب وتعیین اولمسی مجالس عالیه ده مذاکره وتصویب قلمشیدی اشبو تعیینات عسکر یه ماده سی دخی خیلی جسیجه بر خدمت اولدیغندن حسن اداره ورؤیتی ضمنده نصب بیوریله جق مدیرک بو ماده به وقوفی لازمدهن واسبق عساکر منتظمه شاهانه کاتبی اولوب خداوند کار سنجاغنک بعض قضای تخریرینه مأمورا اولجانبده بولشان سعدی افندی مواد عسکر یه به واقف بندکندن اولدیغنه بناء مأموریت باقیه سی معینده اولان کتبه دن برینه تکمیل ایتدرلمک اوزره مومی الیهک جلیله مدیرک مذکورک کندویه حاله سی بالتذیب اراده معالیه حضرت ملوکانه متعلق بیورلمش ومومی الیه دخی در علیه به بالور و دایفای مأموریتنه مبادرت ایلشدر یوزیمش یدنجی دفعه رقیله طبع وتثیل اولشان تقویم وقایع نسخه سنده بیان اولدیغی اوزره نیش حواله سننده اولوب روم ایلی ایالتی داخلنده اولان معلوم الاسامی چند عدد قضایک مناسبت موقعیه سی جهتیه نیشه ربط والحقا ونیش ایالتی اطلاقله مشیرلکی عطوفتلو محمد واصف پاشا حضرت تلیله حاله وتوجیه ونیش محافظی سابق سعادتلو خسرو پاشا حضرت تلی دخی نظام محاسن اتسامی اقتضا سنجه بالجمعه مشیران معیت لرنده اولدیغی مثلاً ونیش فریق نصبیه مقدما کندو سنک محافظلق مذکوره مأموریتی جهتیه عهده سندن محل اوله رق برادرینه حاله اولشان صماقو نظارتی ملحقایله برابر کافی السابق مشار الیه خسرو پاشا عهده سنه حاله وتقویض اولمشیدی بلغراد قلعه سی دخی نیشه قرب وجوار ومشیرلک مذکوره الحاقی تقدیرنده اصول اداره ومحافظه سننده مضبوطیت حاصل اوله رق هروجهله محسناتی موجب اوله جخی ظاهر وبیدار اولمق حسبیه قلعه مرقومه نک اولوجهله نیشه ربطیه مشار الیه خسرو پاشانک کاکان نیش فریق اولمق اوزره بلغراد محافظلغنه مأموریتی وبوجهله کندوسی خدمت محافظه ایله مشغول اوله جغندن عهده سننده اولان صماقو نظارتی برادری معرفتیه اداره اولمسی ومشار الیهک وصولیه تسلیم وتسلم قاعده سی



و محسنات دخی مشاهده اولنه میوب بلکه اعاده سی هر برایشانک فیثانه کسب اطلاع اولنه رق بیع و شراده اهون صورتله قطع فیثات اولنمسه بنده مدار اوله جخی امر بارز بولندیغنه و بو جهته اشبو میوه ترکرنک کاف السابق اجرایی طبیعت مصلحتدن اولمغله بر مقتضای اراده سنیه اقتضای بالاجرا کیفیت معلوم اولمق اوزره اشعار اولندی

درگاه عالی قیوچی باشیلرندن بولی متسلی اسمعیل اغا شمدی یه قدر حسن سلوک و حرکتی وصیانت فقرا امر اهنه دقتی مشهود اوله رق شایان احسان مکارمنشان جناب جهانبانی بندکندن بولنمش اولدیغنه بناء عاطفت افزای صدور بیوریلان امر و اراده عنایتعاده جناب شاهانه موجبنجه عواطف علیه ملوکانه دن اغای مومی الیه اصطل عامره مدیر لکی پایه سی توجیه و اولو جهله قدر و اعتباری تنویه بیورلشدر

ارضروم مشیری عطوفتو عثمان نوری پاشا حضرتلرینک دائره لری مدیری علی اغا ذاتنده یرار و کارکنار و خدمات دولت علیه ده استخدام شایان اوله رق و جوهله سزاوار عنایت اولدیغنه بناء درگاه عالی قیوچی باشیلغی احسانیه قدری ترفیع بیورلمسی مشارالیه حضرتلری طرفلرندن التماس اولنمش اولدیغی رکاب کامیاب حضرت جهاننداری یه لدی العرض شرفریز صدور بیوریلان امر و اراده عنایتعاده جناب خلافتیناهی موجبنجه عواطف علیه ملوکانه دن مومی الیه مجددا درگاه معلا قیوچی باشیلغی توجیه ورؤس همایونی اعطا اولنمشدر

یودفعه اسمیه و یوده سی نصب و تعیین بیورلش اولان مصطفی بک اصدقای دولت علیه دن اولوب و جوهله سزاوار عنایت اولدیغنه بناء شرفریز سنوح و صدور بیوریلان امر و اراده احسانعاده جناب جهاننداری موجبنجه عواطف علیه ملوکانه دن میر مومی الیه مجددا درگاه عالی قیوچی باشیلغی توجیه ورؤس همایونی اعطا اولنمشدر

یقضاء اه تعالی کینلرده محترق اولان باب عالینک حرم دائره سی طرفندن وقوع عبولان ضایعات مجرد سایه حضرت ملوکانه ده ارضرومده بعض ایرانلوینده بولنه رق کندوسیه در سعادته کوندلش اولان ارضروم مشیری عطوفتو عثمان نوری پاشا حضرتلرینک مهادارلی خورشید افندی ار باب استعداد و لیاقتدن و اصحاب قلم و درایتدن اولدیغندن بمثلله خواجه لک رتبه معتبره سی احسانیه بکام بیورلمسی مشارالیه حضرتلری طرفلرندن و باش محاسبه قلمی خلفاسندن قویه ردیف منصوره یوقلمه جنسی محمد انیس افندی دخی ار باب هنر و معارفدن اولدیغنه بناء کذلک خواجه لک رتبه رفیع سی احسانیه چراغ بیورلمسی قویه مشیری عطوفتو حاجی علی پاشا حضرتلری طرفلرندن التماس اولنمش اولدیغی خاکای کامجنشای جناب پادشاهی یه لدی العرض شرفریز سنوح و صدور بیوریلان امر و اراده عنایتعاده حضرت خلافتیناهی موجبنجه عواطف علیه ملوکانه دن مومی الیه دیوان همایون خواجه لکی توجیه اولنوب رؤس همایونلری ویرلشدر

روم ابلی مشیری عطوفتو زکریا پاشا حضرتلرینک مکتوب بلیق خدمتلرده اولان حافظ محمد رشدی افندی هنر و معرفتی درکار و ازهر جهت عنایت سنیه یه سزاوار اولدیغنه بناء سایه شوکتوایه حضرت ملوکانه ده خواجه لک رتبه معتبره سی احسانیه بکام بیورلمسی مشارالیه حضرتلری طرفلرندن التماس اولنمش اولدیغی عتبه فلکمرتبه جناب کتبی ستانی یه لدی العرض شرفسنوح و صدور بیوریلان امر و اراده عنایتعاده حضرت شاهانه موجبنجه عواطف علیه جهاننداریدن مومی الیه دیوان همایون خواجه لکی توجیه ورؤس همایونی اعطا اولنمشدر

بغداد کرکجسی برادری صالح اغا ذاتنده یرار و کارکنار و خدمات دولت علیه ده استخدام شایان اوله رق و جوهله سزاوار عنایت اولدیغنه بناء درگاه عالی قیوچی باشیلغی و فارسی کاتبی محمد افندی و معتمد احمد افندی دخی ار باب هنر و معارفدن اولوب ازهر جهت عنایت سنیه یه شایان اولدقلرینه مبنی خواجه لک رتبه معتبره سی احسانیه بکام بیورلمسی بغداد والیسی عطوفتو علی رضا پاشا حضرتلری طرفلرندن التماس اولنمش اولدیغی رکاب کامیاب حضرت شاهانه یه لدی العرض شرفریز صدور بیوریلان امر و اراده عنایتعاده جناب خلافتیناهی موجبنجه عواطف علیه ملوکانه دن مومی الیه صلیح اغایه درگاه عالی قیوچی باشیلغی و محمد افندی ایل احمد افندی یه دخی دیوان همایون خواجه لکی توجیه و اقتضاییدن رؤس همایونلری اعطا اولنمشدر

بعض آثار خیره

ایح ایل سنجاغنده زینه ناحیه سنده دقین خالک عطر ناک اولان شیخ علی السمرقندی قدس سره الجلی حضرتلرینک تربیه شریفه لری جوارنده کائن اون باب حجره و بر مسجدی مشتمل مدرسه مشرف خراب اولدیغندن حالا قویه مشیری عطوفتو الحاج علی پاشا حضرتلری سایه همایویه حضرت ملوکانه ده تعمیر و احیا و ارضروم مشیری عطوفتو عثمان نوری پاشا حضرتلری ارضرومده لالا پاشا جامع شریفی خولبسنه مجددا بر باب موقخانه و ارضروم قراسندن خارت نام قریه ده مشرف خراب اولان جامع شریفک تعمیر یله اتصاله برقاج اوطه لی مدرسه بنا و طریزون قضاسی محلا نندن اورته حصار محله سنده کائن بهشت آشیان ابو القح سلطان محمدخان علیه الرحه والغفران حضرتلرینک احیا کرده لری اولان جامع شریف حولبسنه واقع شادروان ایله اتصالنده مدفون فاتح مشارالیه حضرتلرینک طوپچی باشیلرینک تربیه شریفه سی دخی حالا طریزون والیسی عطوفتو عثمان پاشا حضرتلری تعمیر و انشا و بیوردور قصبه سی خاندا نندن و درگاه عالی قیوچی باشیلرندن محمد امین اغا قصبه مزبوره ده مجددا ایکی فوقانی درسخانه و اون ایکی باب حجراتی مشتمل بر مدرسه ایله بر عدد چشمه انشاسنه اعتنا ایلش و یکبشهر بروسه قضاسنده نصوح بک محله سنده کائن طریقت علیه رفاعیه یه مخصوص زاویه مشرف خراب اولدیغندن درگاه عالی قیوچی باشیلرندن قضاء مزبور و یوده سی الحاج محمد حلمی اغا زاویه مذکوره بی برقاج باب اوطه علاوه سبله مجددا بنا و اتصالنده بر عدد چشمه دخی یاپدیروب ماء لذینی اجرا ایلش و نفس کوتاهییه ده خراب اولان تیمور طاش پاشا جامع شریفی مدینه مذکوره معجلات ناظری صالح افندی معرفتیه مجدد حکمنده تعمیر و ترمیم و کنقری سنجاغنده تونی قریه سنده واقع جامع شریفک اتصالنه لواء مزبور متسلی درگاه عالی قیوچی باشیلرندن عبده اغا طرفندن مجددا بر عدد چشمه انشا و تنظیم اولنمش اولدیغی اناطولی طرفندن و ایلبلصان سنجاغی متسلی درویش بک ایلبلصان قصبه سنده کائن محمد اغا جامع شریفک محتاج تعمیر اولان محلا رینی سایه مبرا توایه حضرت ملوکانه ده تعمیر ایله عین و یسارینه مجددا ایکی باب مکتب علاوه و انشا و میر مومی الیه ک برادری حسن بک دخی قصبه مزبوره ده واقع طریقت علیه قادریه دن شیخ ابراهیم افندی زاویه سنی تعمیر و احیا ایلش و ینه قصبه مزبوره ده دباعتخانه جوارنده اولان خراب جامع شریف ایله حاجیلر چشمه سی نام محله وارنجه خراب و فرسوده اولان قالدیرملر علی منب افندی نام متوفانک ثلث مالندن و صبسی معرفتیه تعمیر و تنظیم اولنمش و تیران قضاسی متسلی درگاه عالی قیوچی باشیلرندن عبد الرحمن بک دخی قصبه مزبوره کائن جامع عتیق جوارینه یدی اوطه لی مجددا بر عدد چشمه بنا و خارج قصبه ده کائن جاده لک خراب اولان قالدیرملری ایکبشهر بقی ساعت مسافه محلا ره قدر تعمیر و انشا و ینه تیران قصبه سنده قورشلی جامع شریف قریبده مقدما انشاسنه بدأ اولسان ساعت کبیر ایلنه سنی منسل

مومی الیه ایله اها لیدن بعض اصحاب خیرات تکمیلہ اعتنا ایلش وساقز
جزیره سی حصنی داخلندہ مشرف خراب اولان تونسلی عبدالرحمن پاشا مسجد
شریفی چشمہ قضاسی خاندانندن ممش اغا طرفندن وزغہ عتیق قضاسندہ
غازیلر بایری نام محلده دفین خاک عطرنک اولان محمد طوغانی حضرت تلیرنک
مشرف خراب اولان تربہ شریفہ سی قضاء مزبور ویوده سی جلال الدین
اغا جانبندن تعمیر وترمیم وجوارینه زوار ایچون براوطه علاوه وتنظیم اولمش
واشقودره ده دفین خاک عنبرین اولان شیخ مصطفی قدس سرہ الاعلی
حضرت تلیرنک تربہ لطیفہ سنی دخی اشقودره محصلی سعادتلو حسن پاشا
حضرت تلیرنک کتخداسی درکاه عالی قیوچی باشیلرندن ابراهیم اغا تعمیر واحیا
وجسر مصطفی پاشا قضاسندہ تابع حصارلق قریہ سندہ مہدم اولان جامع
شریفی قضاء مزبور ویوده سی درکاه عالی قیوچی باشیلرندن محمد رشید بک
مجدد ابناء و شنی قضاسندہ مشرف خراب اولان مشیکلی جامع شریفی
قصبہ مزبوره وجوهندن زعیم زاده احمد بک وقرہ اغاج جامعنی نفوس
مقیدی ابراهیم اغا و عبد الرزاق جامعیلہ حاجی مصطفی اغا مسجدینی
تجاردن قرمان زاده الحاج مصطفی اغا وچالق اوغلی جامعنی قنطاری
زاده الحاج ابراهیم اغا و حاجی عمر جامعنی حاجی حسین اغا و قوچہ شیخ
جامعنی الحاج سیف اہ اغا و محترق جامعنی دخی علی و ہی افندی تعمیر
وانشا ایتمش و شریف خلیل پاشا جامع شریفندن جام عتیق کپریسنہ
وقرہ اغاج جامعنی پیشکاهندن ایوب افندی جامع شریفہ دکن اوچییک
سکزیوز ذراع مقداری خراب و فرسوده اولان قالدیرملری وجوهندن صالح
قانی افندی تعمیر وترمیم و تاتار بازاری قضاسندہ جبق صالین جامع شریفی
پیشکاهندن قیر قیوسی نام محله قدر سکزیوز التمش ذراع مقداری محله
درکاه عالی قیوچی باشیلرندن وقضاء مزبور خاندانندن طاهر بک مجددا
قالدیرم فرش وتنظیم ایلش وینہ قصبہ مزبوره عمارت جامع شریفی
حواسندہ واقع مدرسہ یہ مدرسہ بولسان محمد فوزی افندی طرفندن مجددا
درت او طہ علاوه وانشا وچار سو درونندہ کاش محترق اولان مدرسہ دخی
مدرسین کرامدن سید مصطفی افندی جانبندن بنا واحیا قلمش وکلیولی
قصبہ سندہ قلیطہ خانہ جوارندہ کاش چشمہ نک بوللریلہ دریا کارندہ
ازماقلام محله و حسن بالی حوضی جاده سندہ اولان خراب جسر لر
و فرسوده اولان قالدیرملرک اہالیسی طرفندن تعمیرینہ اعتنا و بحر سفید
یوغا زنده مایدوس قریہ سی جوارندہ قرننہ محلی تخصیص اولسان محله
ظہور ایدن ایکی ماصوره مقداری ماء لذیذ مأمورا اولطرفندہ بولسان میر لوا
عزتلو فرهاد پاشا جانبندن محل مزبوره مجددا بناقلنان چشمہ یہ اجرا اولمش
واشقودره کارندن جریان ایدن بولسان نام نہر اوزرینہ مبنی طولا بشیوز
قرق ایکی ذراع جسر دخی اشقودره محصلی مشارالیه حسن پاشا حضرت تلیری
طرفندن متانت و رضانت اوزرہ تعمیر وتسویہ اولنہ رق بو وسائل حسنه ایله
طرف اشرف جناب کیتی ستانی ایچون جہلہ دن استجلاب دعوات خیریه
واستحصال اجور جزیلہ قلمش اولدیغی روم ایلی طرفندن ورود ایدن
رورنال اورا قنندہ محرر اولدیغی تقویم وقایعخانہ طرفندہ وارد اولان
علم وخبرده مسطور در

سایہ شوکتوایہ حضرت جہانداریدہ وضع وناسیس اولمش اولان قرننہ
مادہ نافعہ سندہ متفرع اولان خصوصیاتک اجراسی لازمہ دن وبعض
تعقیباتی مستلزم اولان شیلرک دفعیلہ محال ومواقع لازمہ نک تصفیہ وتطہیری
اقتضای حالدن ودر سعادتدہ واقع طاووقی دکا نرنندہ ذبح اولسان طاووقلرک
بولاشغی دکان ایچندہ قالمسیلہ اندن حاصل اولان تعفک دخی دفعی قرننہ
اصولی سندہ اولنہ رق اومقوله درونندہ طاووق ذبح اولنہ جق دکا نر
ایچون اسکله سندہ تخصیص اولنہ جق محله قالدیریلوب اورادہ ذبحیلہ
تعمیرلنہ رک بولاشغک بر حال بحرہ القاسی خصوصنہ متعلق پیوریلان ارادہ
سنیہ ملوکانہ منطوق منہی اوزرہ اجرای اقتضاسی سعادتلو احتساب ناظرینہ
حرالہ اولمشدر

*** توجیہات علیہ ***

شرفریز صدور پیوریلان امر وارادہ عنایتادہ جناب خلافتناھی
موجبہ بلاد دوریہ دن طرابلس غرب قاضیسی محمد نجم الدین افندی یہ
ماہ سابقک یکریمی برنجی کوندن بالاعتبار موصل بلاد اربعہ اولق اوزرہ
اسکدار پایہ سی و بلاد دوریہ دن مرعش قضاسی سنہ آتیہ جادی الاخرہ سی
غرہ سندن ضبط ایتک اوزرہ حرکت التمثلی ایله قصاب زاده درادرنہ
مدرسہ سی مدرسہ قدسی علی زاده السید یوسف افندی یہ توجیہ واحسان
وایحاب ایدن امر عالیبری اعطاسیلہ مومی الیہا خندان قلمشدر
عاطفت افزای صدور پیوریلان امر وارادہ احسانعادہ حضرت جہانبانی
موجبہ حرکت داخل ایله درسیہ الحاج محمد افندی در قرب فاتح مدرسہ
دیوان کاتبی عثمان بک زاده شعیب حاجی افندی یہ شہر سابقک اوچینی کونی
صحن اعتباری ودارالحديث حرم چلی مدرسہ سی ینہ ماہ سابقک اوچینی کونی
مفتی زاده السید مصطفی زکی افندی یہ ودرسیہ فرهاد بک در جامع ملاعشقی
بایاہ انا طولی حالا استانبول قاضیسی فضیلتلو راعف افندی
حضرت تلیرنک حفیدی السید محمد سالم افندی یہ ودرسیہ سعدی زاده
در جامع فیروز بک مشارالیه دیگر حفیدی السید محمد اسعد افندی یہ ماہ
سابقک اون اوچینی کونی اشارت علیہ ایله بالابتدا خارج توجیہ واحسان
وایحاب ایدن رؤس ہمایونلری اعطاسیلہ بشقہ بشقہ ہربری مسرور وشادان
پیورلمشدر

خلیل پاشا زاده زاده سی السید خلیل نسب بک فوت اولمش اولغلہ عہدہ سندن
محلہ اولان قاضی عسکر حسن افندی مدرسہ سی صحن اعتباریلہ درسیہ
در جامع سلطان سلیم عن وقف قریمی عبدالرحیم مدرسہ احدشکری افندی
زاده السید محمد توفیق افندی یہ بالابتدا التمثلی یری ابتدا خارج ایله درسیہ
فرهاد بک در جامع ملاعشقی مدرسہ علی رضا بک حفیدی میر السید حسن
حسنی افندی یہ با حرکت خارج و مغنساوی مسود لطف اہ افندی وفات
ایتکلہ عہدہ سندن محلہ اولان صحن مدرسہ سی موصللہ صحن ایله درسیہ
خواجہ فاطمہ خاتون مدرسہ وونہ وی السید مصطفی افندی یہ با صحن
یری حرکت داخل ایله درسیہ الحاج محمد افندی مدرسہ دکرلیلی احمد افندی یہ
باموصلہ صحن یری ابتدا داخل ایله درسیہ نازیکی خاتون در جامع ملاخوین
مدرسہ یری کویلی حافظ علی افندی یہ با حرکت داخل یری حرکت خارج ایله
رابعہ عثمان افندی مدرسہ سی مدرسہ شمشچی زاده زاده سی السید
احمد اشرف افندی یہ بالابتدا داخل یری ابتدا خارج ایله دارالحديث حرم چلی
مدرسہ مشرب زاده افندی حفیدی محمد اسعد افندی یہ با حرکت خارج
وفتوی امینی اسبق ابراهیم افندی زاده السید محمد زہدی افندی خواجگانلق
رتبہ سیلہ بکام اولغلہ عہدہ سندن محلہ اولان احمد چاوش مدرسہ سی
حرکت داخل ایله ابوالفضل محمود افندی مدرسہ سی مدرسہ اخسقہ وی
الحاج عثمان افندی یہ باموصلہ صحن یری ابتدا داخل ایله محی الدین
فوجہ وی مدرسہ سی مدرسہ انقرہ وی حسین واصف افندی یہ با حرکت داخل
یری حرکت خارج ایله درسیہ در جامع سلطان بایزید عن وقف عمر افندی
کاتب ضربخانہ مدرسہ نظیف افندی برادر زاده سی نوری بک زاده
میرالسید محمد امین افندی یہ بالابتدا داخل یری ابتدا خارج ایله ثانیہ بالی پاشا
مدرسہ سی مدرسہ کواکی زاده راشد افندی زاده محمد امین افندی یہ
با حرکت خارج وعاشر افندی حفیدی مصطفی عاشر افندی سلاک عسکری یہ
منسلک اولغلہ عہدہ سندن محلہ اولان دزداریہ مدرسہ سی حرکت خارج ایله
درسیہ قنوی السید حسن افندی در جامع سلطان محمد خان مدرسہ
قیوجقلی زاده زاده سی السید عبدالرحمن افندی یہ بالابتدا داخل یری
ابتدا خارج ایله درسیہ سعدی زاده در جامع فیروز بک مدرسہ صحافر شینی زاده
اسعد افندی زاده السید احمد ضیاء الدین افندی یہ حرکت خارج ایله
با اشارت علیہ توجیہ وماہ سابق مرقومک غرہ سیلہ مورخ رؤس ہمایونلری
اعطا اولمشدر